

明詩別裁集

掃葉山房
石印

明詩別裁集

清聖宗
五十年

清詩別裁集卷二十七

禮部尚書臣沈德潛纂評

金志章

字繪甫浙江錢塘人雍正癸卯舉人官口北道著有江聲草堂詩集

因樹亭觀唐明皇磨崖碑

明皇昔日侈東封。千乘萬騎紛雲從。超然意象小秦漢。七十二代思兼容。金泥玉檢著符瑞。江茅鄣泰昭虔供。禮成大祀頌聲作。鴻文典誥鏗鐘鏞。天章神筆縱揮灑。鸞飄鳳泊翔遊龍。磨崖深刻紀歲月。萬古照耀天門東。是時國家正全盛。地大物阜民和豐。廟堂宴安漸鴆毒。玉魚繡襍酣深宮。侈心一開蠹隨入。九廟俄頃飛灰紅。淋鈴蜀道馳萬里。百神不救塵埃蒙。徒存茲碑峙巖壑。雨蝕蘚剝雲煙中。牧兒野火燒不得。至今椎搗傳遺蹤。吳郎嗜古得此本。世守什襲裝池工。高齋招我共銷夏。披襟玩清宵。同規連珠樹。矩折玉墨彩。騰上先熊熊。手摹口誦極贊賞。忽憶往事心神忡。中興反正頌神武。亦有巨刻磨巖嵒。盛衰治亂互倚伏。鑒戒實可垂無窮。殷憂啟運滿。致覆此理自古闕。昭聲開天已遠代。幾易猶留寶刻珍。書叢摩挲掩卷三歎息。人君莫漫誇豐功。

鈴山行

鈴山四繞青谿。銜。袁江一線盤脩蛇。東西峽口兩洪束。東為昌山洪。西為鐘山洪。縣城中裏如蓮

花。此邦何人昔最著。豪貴屈指推嚴家。早年登第競名譽。追逐何李矜浮華。歸來築

室此山頂。圖史枕胙旁。人誇青詞晚歲博金鉉。萬事橫決如搏沙。文章不掩孔雀毒

膝下。豹虎兼。婁。讀。書。不。識。忠。孝。字。廿。年。至。苦。何。為。耶。立。身。一。敗。媿。鄉。里。至。今。茲。冷

千秋譁。清江六月燒晚霞。長橋終古緣城斜。薰天之勢竟安在。徒令弔古興咨嗟。章

不掩孔雀毒姦佞之人雖有才華莫能蓋也讀書不識忠孝字令閱者悚然

白溝河弔二忠祠張公叔夜文公天祥

白溝河上夕陽時。下馬荒原弔古祠。北渡中宵悲扼吭。南冠孤憤漫題詩。鬼謀曹社

家同破。龍去厓山事不支。太息殘碑焚野火。六陵荒草共淒其。分詠二忠語皆典切

黑峪

盤盤鳥道上青雲。峻坂危坡路不平。入險橫穿豺虎窟。凌虛俯瞰鸚鵡羣。三關形勝

憑高盡。二水波濤出塞聞。極目長城回望處。河邊飲馬漢家軍。

二十四磯

驚濤如雪濺長空。峭石峻嶒訝鬼工。二十四磯帆側過。不知身坐浪花中。

鷗鵠塘

客情鄉思總淒迷。睡起蓬窗日欲西。忽聽一聲行不得。鷓鴣塘外鷓鴣啼。天籟

姚

湘字行表江南桐城人雍正癸卯舉人官常熟教諭

郭林宗墓

知人薦士。緬遺蹤。此日經過馬鬣封。一木勢難支大厦。六屯禍不及潛龍。登仙祇合同元禮。表墓寧須藉蔡邕。更有申屠共標格。高風樹屋獨名傭。桓靈兩朝朝局黨人不為危言。數論得以免禍。三四語盡之。末引申屠靖見因樹為屋。同於傭於堵。為更高也。詩須如此作。方不浮泛。

梅

任爾冰條溼粉痕。何須紙帳護春溫。紅亭遠隔人千里。翠羽初飛月一村。留得寒香清到骨。莫聽羌笛暗銷魂。幾年孤負西園約。凍合孤山獨掩門。與愁在三更桂月村同妙

荊州道中

女嬃砧響杳冥冥。楚些吟成不忍聽。行過渚宮神黯澹。猿啼夜半在空舲。

邵錦潮

字賜笈直隸宛平籍吳縣人雍正癸卯舉人

蒹葭

秋色浮江上。煙波共渺然。蒼茫迷遠渚。寥落向遙天。折葉驚寒雁。飛花點釣船。伊人不可即。悵望水雲邊。

喜晚香辭幕府歸出示新詩留飲

千尺流泉百尺松。白雲丹嶂自從容。偶同麋鹿遊城市。終覺鷄鵒厭鼓鐘。句就烟霞頻出手。醉餘碗壘肆填胸。明朝便蠟尋山屐。到處隨君躡舊蹤。
一筆揮洒絕去雕飾此境正未易到

閨人贈遠

日夕上高樓。雲山一望秋。悠悠渡頭水。空送往來舟。

曹廷樞

字古謙浙江嘉善人雍正癸卯副榜。古謙應博學鴻辭。詔入都日課一賦。一詩。同人欽手推讓。試後放歸。復入都病歿。此就向所錄者存之。

春雨和錢嶼沙編修韻

雨雨溪邊水鳥呼。漸看檐際溼模糊。憑欄花重紅疑滴。隔座山橫翠欲無。吟苦縱愁

春冷淡。病多偏穩睡工夫。卷簾自愛虛無景。未要瀟湘入畫圖。

陳祖范

字亦韓江南常熟人雍正癸卯會試中式乾隆壬申舉經學官國子司業。著有見復詩草。見復提春官未殿試。歸著書友教垂三十年。大臣以經學薦授少司成。居家受官生平以天爵自重者。也詩無意求工。自餘道氣不得以詞人之詩目之。

恒雨

春末夏之首。恒雨連數旬。吾土異高低。高者下種勻。溝車挂梁壁。婦子紡以紉。但俟水勢減。耘耔及良辰。低者淪江湖。波濤浩無垠。雞犬悉上屋。舉家寄河唇。相去數十里。彼此殊越秦。苦樂宜均被。譬如人一身。牛體雖獨活。偏枯為不仁。所以君子心。溥

遍無涯鄰。憂喜不以已。四海熙陽春。物我同體已見此詩

感秋

人生弦上筈。流光迅於矢。春鳥暢歡情。秋蟲感衰耳。萬籟乘時鳴。一心異悲喜。中宵不成寐。輾轉攬衣起。今人未嘗生。古人未嘗死。欲求不死方。從師悔晚矣。讀未四語令人內慚

面赤覺可愈頭風可愈
瘧疾只是語句奇險耳

夢述

自從別家來。十夕九夢親。父念子行役。不因存歿分。存為倚門望。隔形不隔神。歿為空中魂。魂依遊子身。危高山之巔。慄深水之漘。悲哉同行子。生獨為鮮民。白雲處處多。天涯見無因。可補陟站
蓼義之缺

與星旋釋

爾我各異趣。青山為之媒。爾心與山靜。我心對山開。山意不將迎。能通彼我懷。書聲雜梵唄。瓶鉢偕尊壘。大道固無礙。何從起嫌猜。推窗月皎皎。梅花點蒼苔。結得
淡然

答任翼聖計偕留別

往還多面朋。孰是心所同。鄉薦忝伯仲。時論推雲龍。一友教四方。一匿影蒿蓬。相見苦不易。終歲欣相從。得窺所學富。飽聞議論雄。冥搜力沈著。集益心虛冲。烏能石攻

玉。魏用廷撞鐘。聖籍久黯默。遲子發群蒙。斯行匪干祿。要展經術功。析理戒穿鑿。守道無窮通。釣鰲不釣魚。君家有任公。析理十字作

詠史

吾慕江州陳。宗族七百人。每食設廣席。長幼列坐俱恂恂。和氣感畜犬。百犬共牢食。必均為問此何時。豺虎磨牙噬生民。君如奕碁國傳舍。天下不復知尊親。世上自亂家。自理閉門別有無邊春。

送西京訓導宣城

老為千里別。何以遣離情。道在官無小。風清官易成。議參秦博士。詩繼謝宣城。遙識青衿子。趨風江畔迎。

寄沈歸愚

把酒論文記往年。隱侯格律敢隨肩。宮中久識元才子。明主終收孟浩然。鶴怨猿驚懷故地。馬遲枚疾闢新篇。噉子守兔清江曲。燕樹參差悵各天。簡寄詩篇亦寓規諷良友贈言何時敢忘

繆白芭

字武子江南吳縣人雍正癸卯進士官翰林院編修

書杜少陵詩後

稷契成虛願。詩篇軼眾羣。吐辭皆信史。每飯不忘君。汗馬懷諸將。龍池望五雲。千秋

惟白也可與共論文。平穩寫去已盡老杜生平

秋柳

搖落西風裏。垂條浪不生。本非攀折候。猶有別離情。涼露成清滴。寒鴉噪晚聲。吾生饒短髮。愁對淡煙橫。前半正寫後半虛寫處有遠神

潘

果

字師仲江南無錫人雍正癸卯進士官辰州同知

觀星臺

太虛茫茫星吐精。仰觀何托觀羣星。三垣高居列宿拱。七曜以次升天庭。觀星之臺自此築。古器森立交崢嶸。吐吞日月孕精氣。異采煥發堅光凝。夏官厯厯親示我。法象粗得知其名。渾天最古位居右。西洋測景開皇清。自注銅象凡十三座皆古物曰惟此象為我朝新鑄居中躔月次分秒忽。相風高尺晴空橫。憶從虞后在玉衡。子來繼詠靈臺成。狂秦亂紀失遺法。漢更七帝銅儀興。自注制自宣帝時遞相精核迄元代。人巧上與天工併。直收萬象入指掌。豈比露盤承六莖。緣何末造不能守。往來再徙歸燕京。昔聞王孫論九鼎。雖小亦重大。或輕鑄金象物。尊尚爾況為於穆圖真形。何以守之德是憑。惟皇得一符清寧。用意全在末段必如此詩不徒作

蟠磯孫夫人廟

江神。踏浪朝靈宮。靈宮夫人下幽穹。女官攢甲擁前後。寶刀爛若銀芙蓉。阿兄虎視霸南國。玉顏小妹饒家風。天教帝子作之偶。明珠斗帳藏真龍。赤壁戰後老瞞懼。不敢南下馳艨艟。如何昏姻失前好。忍教與國連兵戎。臣服魏廷亦豚犬。仲謀那足稱英雄。蜀帝復讐號亭敗。永安遺詔蒼黃中。夫人有家歸不得。九嶷夢斷尋無蹤。螺磯自沈靈魄在。于今遺廟留江東。廟中傳芭女巫舞。報賽神鼓聲鑼鑼。江流有盡恨無盡。疑有淚竹斑斑紅。仲謀降曹真不可解。兩國連兵不獨蜀之遺恨。失吞吳也。借題恨玩其音節得樂發出見權有媿于其妹一起如見夫人英武一結想見夫人抱府迎神曲之遺

項王廟

威望居然壓沛公。指揮一誤霸圖空。縱留子弟八千在。早失關河百二雄。遺廟可堪隣泗上。英靈只合返江東。所嗟銳氣真無敵。不出淮陰數語中。項王失策在王漢王於巴蜀漢中使得還

定三秦則大勢全在漢矣詩中指出具有卓見

桓宣武墓

笑爾何心蓄不臣。餒魂終此伴青燐。生初枉自呼英物。身後教誰歎可人。自注溫過人可人江北柳園空長大。洛陽鐘簾竟沈淪。縱然未死膺殊錫。地下如何見太真。王敦墓輒

尹會

一字元孚直隸博陵人雍正癸卯進士官至吏部侍郎著有健餘詩草

居庸關

莽莽關山起暮愁。亂雲層疊隱危樓。雕弧控滿清宵月。畫角吹殘紫塞秋。旅夢無端空索莫。歸心何事更夷猶。燕南碧草還飛蝶。已見桑乾帶雪流。月與雕弧相關此詩律細

陶正中

字田見江南無錫人雍正癸卯進士官翰林院編脩外轉至山西布政使

讀史

商君脩耕戰。立約於徙木。賞信罰隨彰。卒以震巴蜀。梟雄負異能。斷制貴專獨。民可與樂成。創始每弗欲。君子重違衆。持衡妙善俗。握機良所同。用意乃各屬。不見褚衣冠。終焉致巷哭。子產商君同是變革舊政而用心各別一是斷喪國脉一是整齊風俗也同中見異於公私義利判之

徐以升

字階五浙江德清人雍正癸卯進士官翰林院編脩轉御史外轉至廣東按察使著有南陵堂集

炙硯

文思忽飛揚。水凝硯一方。炙餘資石炭。化處受玄霜。調燮交離坎。中和適燠涼。不須呵彩筆。杼藻有輝光。調燮中和由於家人之反身小中見大詠物詩須如此作也

關山月

大旗霞捲夕陽殘。旋見邊城湧玉盤。鼓角無聲霜氣肅。山河流影鏡光寒。白頭漢將

占星立紅淚胡姬倚馬看。淨掃烟塵天闕迴。清輝多處識長安。
神似李北地以長安月作結頌揚○天朝

前人未到

金鳳綸字○江南嘉定人雍正甲辰舉人

水花無詩作此補之

犁星沒後水藏漪。澤畔鱗鱗見異姿。凝艷不教青帝主。鬪華休遣夏蟲知。凌波神女。薄作雪天工。剪並奇。莫訝清英易消歇。楊家山已付流澌。
律之細也字之穩也人巧盡天工出應從

偶然得之

王峻字次山江南常熟人雍正甲辰進士官翰林院編修轉御史著有良齋詩集○良齋素行儒侶彈節御史某視趙用賢之彈張江陵奪情則又過之

詩亦英爽如其為人惟於王新城詩時加詆誚趙秋谷諸公聞之應云將伯助予也然即此亦是不隨眾好處

禹州道中

茫茫四野寒蕭騷。朔風動地聲怒號。車帷卷破馬蹢躅。夕陽慘澹橫平皋。行人瑟縮帽簷側。手脚凍冷如面墨。晚來投店滿衣塵。童僕相看不相識。

題戴巨川庶子畫馬自題曰

先生畫馬如畫牛。不著鞍韉不絡頭。超遙肯與駑駘伍。放曠還同麋鹿遊。先生相馬如相士。德合剛柔比君子。神閑氣靜在平時。電激飈馳日千里。拈毫十日又五日。慘

淡經營能事畢。恍疑貌出古纖驪。直壓開元。卅萬匹。君不見黃金之勒錦障泥。多少
款段當風嘶。安得壯士馳駿足。層冰蹴裂交河西。少陵題畫馬云。當時四十萬匹馬。

恍疑貌出古纖驪宜壓開元
卅萬匹英氣直欲追逐少陵

謁岳忠武廟

強弓手挽雅歌嫺。未許韓劉伯仲間。誰使朱仙回玉帳。轉愁雪窖有刀環。長城自壞
天難問。半壁偏安主厚顏。遺廟近鄰松紹墓。靈旗風靜古碑間。此湯陰岳廟也。當時

之姦而小朝廷之不欲復仇其罪更大

李重華字貴君江南吳江人雍正甲辰進士官翰林院編修著有玉洲詩集○玉

臨遇弔發而為詩巖歌歷落俱得江山之助宜足繼匠門而興
起也詩話二卷或引而不發或金針度人可希風昌穀談藝錄

道古

子長慣著書。論或憑胸臆。殷勤表素王。已足稱神識。時方貴黃老。經術尚薄蝕。卓然
仰高山。先路導其惑。駢羅七十子。附聖為羽翼。遂使絃誦堂。崇祀盛軌則。我嗟衛道
人。曾未預配食。盲左既酌功。腐遷何婉色。

漢代表章聖道廣川以後有太史遷世家列傳
羽翼之功不可沒也配食廟廷前人未開此口

劍閣

我行閱雄關。天劍殆無敵。迢迢來一髮。突兀過重壁。望望嵯岬間。豁罅不盈尺。到關穿雪竇。窺戶睇月隙。戕戕二山中。萬丈一磐石。都無客土附。而總精鐵積。其間鬱叢箐。其底亂濠射。烏兔失飛走。蛟螭避堂宅。入門循地隧。雙峽亘而窄。左作長鯨掀。右類巨鼇擲。雷轟泯斧鑿。雲蔚隨縷脉。迴風驟長驅。雲氣砭領脊。洪荒想胚胎。元氣更併迫。倘非仙人掌。排亦屬應龍劃。五丁力不逮。渠能萬靈役。殘山通仄挾。留險藉控搃。誰知徒長好。據竊逞荷戟。炎漢固殊類。偏安我惋惜。子陽先覆轍。王孟後接迹。稱帝旋洞胸。降王遞銜璧。何況獻賊流。蝮蝎恣毒螫。張牙縱狂噬。擢髮終寸磔。伊昔凋敝初。人烟莽蕭瑟。生息今百年。壑闕連萬陌。文翁兼詰戎。武鄉兼教澤。遼絕若番藏。倏瞬達重譯。而此枕席安。號渙誰擁隔。地利分險夷。皇圖觀順逆。磨崖奮如椽。申命誠梁益。前極形劍閣之險後屢迷竊據之敗見有德則可守轉力則速亡也宋歸美本篇皇圖觀順逆功遠及番藏而梁益內地安如磐石矣地利分險夷五字收上半篇

五字收下半篇

望太白

太白羣山外。峇峇淡莫分。遙知千歲雪。正雜萬峯雲。鳥道蹤應絕。龍湫吼若聞。帝臺三百里。香氣接氤氲。

雞頭關

雞頭千仞峻。白道細如絲。怒水盤根迅。雄關立壁危。北來天去握。南望漢為池。咫尺

襄城驛。連錢蹀躞馳。漢為池對天去。握是為活對。

五丁峽

絕壑靈奇盡鬼工。停眸便識五丁通。雙崖翠影侵天合。萬竅雲根入地空。杜宇魂生迷鳥道。蜀山蛇拔刺龍宮。金牛縱被秦人誤。開闢何曾讓禹功。萬竅雲根入地空。他人費作賦才。雖千百

言亦寫不到

劍閣

宋玉狂言亦快哉。果然長劍削天關。泉聲獨引雷車落。峯影雙扶日駟回。壯士枉窮排障力。大文終重勒銘才。中原龍虎無消歇。日見關門駟馬來。

過居庸

太行東驚正迴環。界截烟雲是此間。九土橫分雄地軸。三邊總會扼天關。羽書報捷風雷迅。戍卒承平虎豹閒。此去漢南皆枕席。馬蹄思踏賀蘭山。

登蓬萊閣

檻底滄溟浸太空。凌來如到蕊珠宮。波間萬恠時噓氣。天外三山日御風。術士妄尋焉得遇。詩翁偶禱竟能通。良宵會約羣仙醉。待看重輪徹地紅。三語寫海市可見四語寫神山難到也下

聯分承海市神山却用顛倒承之化板
為活術士指文成五利詩翁指東坡

書周遇吉傳

為擾潼關突薊邱大同搏戰鬼神愁辭家戰士無旋踵報國將軍有斷頭致死已摧
狂孽勢迎降真恨賊臣謀十三陵末餘抔土千古忠魂哭未休寧武破時賊兵傷幾
過半李自成謂自此
至京尚有險要四關倘盡如寧武我輩休矣方欲退兵休息而大同姜壤宣府王
承陞降表相次至賊遂直破京師詩中三四表周將軍五六恨二賊臣也如許發
揮不啻披閱史傳

與張支百研江話詩隨筆

李杜橫馳翰墨場如椽韓筆頗相當數篇琴操尤高躅束皙何因便補亡東哲補亡
前人議其
去雅音甚遠此借以觀昌黎琴操之高知拘幽一操真能
道止敬心事補亡六章中珠未有也此種論詩真有確見
俞荔字碩卿福建莆田人雍正甲辰進士官長寧知縣○碩卿居宮清正以失
上官意落職到家後杜門自守築堂曰迂溪猶柳子自愚而并愚其溪也

迂溪草堂初成

何妨環堵即為宮適趣依稀粟里同不速到門惟夜月無私惠我有春風是非難染
溪邊石得失奚關塞上翁閉戶領來清淨福卻忘身在萬山中三四有風浴
詠歸之趣

張鵬冲

字天扉江南嘉定人雍正丁未進士官至詹事府詹事著有南華詩集○

篇○上褒美賞賚之有經進詩○上時轉次其韻比太白之手為調羹東坡之
金蓮燭送歸院遇尤禁也後更唱韻成詩捷于擊鉢然風格亦少減矣工畫技

同于詩生平事事洒落人目為漆園散仙竊自喜中道殂謝。九重惋惜歎才人之不易得也。卷帙甚富茲錄進呈法戒詩十餘篇近體畧及

經史法戒詩

夏造衰兮殷道興。得賢臣兮作股肱。股肱辛勤親五就。故主荒淫終莫救。歲苦旱兮彈憂心。躬為犧兮祀桑林。苞苴女謁備自責。禱辭未畢傾甘霖。至誠感神信如此。天道祗如人道邇。一夫失所真宰愁。莫令君門懸萬里。此法保民自責至誠格天也成康既遠。王道微昭。既南征兮。穆又西馳。騁八駿於萬里。觴王母之瑤池。事既荒而難信兮。徵祈招之風詩。神仙不可期。遠畧難為續。至尊居九重。王度式金玉。此戒肆心荒怠也

春秋見至隱。履霜防忽微。人主不早慮。因之致顛危。前有讒不見。後有賊不知。晉獻惑嬖妾。優施教驪姬。分明置堇毒。乃謂愛我為。卒至兩敗傷。智謀亦何施。覆轍示深鑑。足為後事師。此戒信讒人重內寵也

天王柄下移。征伐強侯出。伯業亦寢衰。陪臣勢無匹。強私家。弱公室。三桓六卿互分析。豈無衣六與。七不如子衣。安且吉。壞法亂紀自王。朝史書特繼。春秋筆。此戒政柄下移也

釐王封武公為晉君威烈王封魏斯趙籍韓虔為諸侯此王朝壞法亂紀之甚者故表而章之

國有謀臣鄰寢饋。貪人敗類乘僥倖。秦穆悔過著聖經。皤皤黃髮實邦榮。入朝見嫉